









ARGO  
IASONIS SARMATICI

Vellere aureo

Conclusionum Philosophica-  
rum instructa.

*Quas*

Ex Cursu biennali

*Nobilis olim & Admodum Reuerendi*

GABRIELIS WŁA-  
DYSŁAWSKI,

Præpositi Varſauienſ. Liberalitate fundato de-  
cerptas Cultiffimis erudito labore ingenijs, in  
Lycœo Academico proponet.

Nobilis & Rñdus Fælix à Rzeſzow RZESZOWSKI  
Præſidente.

*Admodum Rñdo Dño Paulo HERCIO, Collega Maiore Cuſto-  
de Opatouienſ. Can: Curzel: & S. A.*

Nuper eiufdem Cursus Vladiflauiano Profefſore.

Anno Dñi M. DC. XL. Menſe Die

C R A C O V I Æ,

*In Officina Chriſtophori Scheidelij, S. R. M. Typogr.*




In Stemma Illustriss: Gentis  
ZADZICIANÆ,



Quæ ratis est? ARGŌ: quas merces portat, ab oris  
Longinquis? vellus Iasonis aureolum  
Firma columna notat quid? Libertatis amorem;  
Gentis ZADZICIANÆ Nobile præsidium.  
Fœlicem Nauim! fœlicia pignora Navis!  
Quæ pretiosa suæ dant bona Sarmatiæ.

*Felicianus à Smogorzow Wasowic  
Philosophia & I. V. q. Studiosus.*




 *Illustrissimo & Reuerendissimo Dño,*

**D. IACOBO  
ZADZIK,**

Dei & Sedis Apostolicæ gra-  
tia Episcopo Cracouiē.  
Duci Seueriæ, &c. &c.

Almæ Academiæ Crac: Cancellario dignissimo  
Dño & Patrono suo Clementissimo.

 *N* hoc aduentu Tuo perauspicato Crac:  
Illustriff: Dñe, plurimum sumus exhila-  
rati omnes atq; recreati; Deoq; Opt:  
Max: gratias agimus immortales, quod  
Te prudentissimi consilij Senatorem, vera libertatis  
vindicem, huius Diœcesis pastorem, Academia nostræ  
Cancellarium dignissimum, pauperum Patronum am-  
plissimum, post illius grauiissimi morbi asperam consti-  
tationem, saluum & incolumen videamus, utq;  
quàm longissimos in annos videre possimus inuicem  
comprecamur. Porro ego Tuus Illustriff: Dñe, cli-  
( 2 ens



ens obsequentiſſimus, ſine munere, nec audeo, nec debeo,  
Tuum ampliſſimum prodire in conſpectum: non quod  
ulla bonorum fortuna indigeas acceſſione, ſed ut ani-  
mi mei officioſam atq; promptam cognoſcas teſtifica-  
tionem. Gratiſſimum igitur munus fuerit apud Te Illu-  
ſtriſſime Dñe, ARGO Navis Palladis ingenio, ita ar-  
tificioſè fabricata, ut malum habuerit loquacem;  
quã laſon, cum lectiſſimis Græcia Heroibus, conſilio  
Chyronis præceptoris in Colchum nauigavit, Phine-  
æq; vatis (quem ſuo in Regno ab Harpijs liberauit)  
cautione, itineris rationē didicit, petras Cyaneas adi-  
it, Symplegadas, ſiue concurrentia ſaxa, è quibus oc-  
cultus ignis ſcatebat, periculo columbæ vitavit, Thy-  
niadem Inſulam, & Mariadynos, & Acheruſiam,  
montesq; Paphlagonum, tum Stymphalidum Inſu-  
lam, cæterasq; populorum Regiones, & urbes innume-  
rabiles, acceſſit, vidit, ſuperavit: cæterum cum Col-  
chos veniſſet, Tauros Aripedes, efflantes naribus i-  
gnes perdomuit, peruigilem Draconem iugulavit,  
vellus inſuper aureum, cuius gratia, tot loca periculo-  
ſiſſima adiſſet, tot monſtra vicifſet, tot Regiones pe-  
ragraſſet, lucratus eſt. Et ingenioſiſſimi quidem Poë-  
tarum interpretes, multa de laſone de ARGO Navi,  
de aureo vellere comminiſcuntur, cum hæc omnia ſub  
innolucris fabularum, à Diuinis hominibus conſicta  
ſint, ut ſub alienis exemplis, expreſſam noſtræ vitæ ra-  
tionem cerneremus. Quid enim laſon denotat, niſi Vi-



ri Cuiusq; boni personam? quid ARGO felicissima  
 Navis, nisi in prosperis & aduersis rebus constantiam?  
 quid vellus aureum commendat? nonne rectam rati-  
 onem atq; prudentiam? qua quis omnes vite actio-  
 nes temperat, affectus coërcet, iusta decernit, nec si  
 fractus illabatur orbis de recta sententia dimouetur.  
 Et merito Tuam ARGO-naui demiramur atq;  
 suspicimus Iason Sarmatice, Illustrissime Dñe, quâ tot  
 labores superasti, tot pericula vicisti, tot Reipub. ne-  
 gotia prudentissimè constantissimèq; tractasti, perfeci-  
 sti; fluctus Patriæ compescuisti, militum tumultu-  
 antium animos ad temperiem reuocasti, hostium fu-  
 rorem coërcuisti, Patriam restituisti libertati. Non-  
 ne enim Tauros Aripedes efflantes naribus ignes au-  
 spicijs Serenissimi VLADISLAI IV. Bellatoris feli-  
 cissimi, victoris fortissimi, Dñi nostri Clementissimi,  
 cuius ad latus præsto præsensq; fuisti in Moschouia,  
 cum vecordes perduelles temerè in cædem, vulnera,  
 mortem, ruerent, grauiissima Tua, prudentia, & au-  
 thoritate, flexanimaq; Eloquentia, paci, libertati,  
 saluti reddidisti. At ille nonnè peruigil, & nostro exi-  
 tiale Imperio spirans venenum fuit Draco, cuius tu  
 in Prussia non robore sed consilio rigidas ceruices in-  
 fregisti. Porrò vellus aureum, nonnè Tua ARGO fo-  
 uet liberalissimè, in contubernio Hierosolymitano, in  
 quo & Illustrissimi Cardinalis ZBIGNEI OLESNI-  
 CII memoriam retinuisti, & Tuam pietatem, bene-



ficentiam, fidem, aeternum ab omni posteritate cele-  
brandam firmissimè fixisti, secureq; collocasti. Itaq;  
D. Pater Ioannes CANTIVS, cui Patrono, profutu-  
ra Apotheosi, eximiam Magnificentiam probasti Tu-  
am, suis ferventissimis precibus efficiat apud DEVM  
gloriosum, ut Te nobis, Ecclesie, Academia, Tuãq;  
ARGO Navim cum aureo vellere, valetudine firmis-  
sima florentissimum conseruet. Quod superest, me  
quoq; Tuum Illustrissime Dñe Clientem insimul, &  
obsequentissimum, Patrocinio, gratiã, authoritate ut  
debet quidẽ Tantum Macenatem, Tantumq; Patro-  
num erige, & subleua: cuius tutela, me, meaq; omnia  
officia, studia, labores, istamq; presentem lucubrati-  
onem Philosophicam, perquam submisit subijcio, &  
consecro. Dat: è Contubernio Garuasciano Die 8.  
Octobr. Anno Domini, 1640.

Illustrissimæ Cels. T.

humillimus & obsequentissimus Client  
Felix à Rzeszow Rzeszowski  
Philosophia & I. V. q; Studiosus.



# CONCLVSIONES

Ex

## LOGICA.

I.

**L**OGICA quæ à doctis viris oculus mentis, cynosura rationis, ianua Philosophiæ, oraculum veritatis, ars artium & scientia scientiarum iuremeritò appellata est, insufficienter in naturalem & artificialem diuiditur; præter naturalē enim & artificialem danda est Logica quæ sit verè scientia, & Logica quidem artificialis est practica, Logica verò scientia est Speculatiua.

2. Docens & vtens non sunt diuersi habitus, sed solū eiusdem habitus diuersa officia, idem enim habitus prout docet est modus sciendi regulatiuus, prout verò vtitur executiuus, vnde Logica docens & vtens æqualiter extenduntur, & vbi reperitur Docens, ibi & vtens reperiri potest: Logica tamen docens & Logica scientia habitus sunt specie diuersi ideoq; Logica docens non est verè scientia Speculatiua, sed Practica.  
multo



multo verò minus vtens, proinde neq; Philosophiæ pars propriè appellari potest.

3. Obiectum Logicæ adæquatum neque sūt voces, neque res omnes, neque intellectus operationes, quatenus dirigibiles, neq; syllogismus, neq; ens rationis sumptum in communi: sed Logicæ artificialis, obiectum est modus differendi in fieri, Logicæ verò scientiæ modus differendi in facto esse. Est verò Logica artificialis non solū utilis, sed & necessaria simpliciter ad quamlibet scientiam perfectè & sciētificè perdiscendam vel inueniendam.

4. Variæ apud Philosophos Logicæ diuisiones inueniuntur, diuiditur enim in naturalem & artificialem, Docentem & vtentem, Veterem & Nouam, in inuentiuam & iudicatiuam, Analyticam, Dialecticam, Sophisticam, in partem directiuam primæ operationis, directiuam secundæ, directiuam tertiæ, &c. quæ quidem diuisiones certis rationibus saluantur.

5. Datur præter Ens rei siue reale, Ens rationis estq; multiplex; Grammaticum, Rhetoricum, Arithmeticum, Phycum, Metaphysicum, Morale Theologicum, &c. potissimum autem est Logicum, quod solum habet esse obiectiuè in intellectu.

6. Neque sensus, neq; phantasia, neq; memoria,



ria, neq; voluntas, facere possunt Entia rationis: non etiam Intellectus Diuinus, sed solùm humanus: cæterum Ens rationis habens fundamentũ in re, sufficienter diuiditur, in Priuationem Negationem, Relationem.

7. Materiale Vniuersalis in essendo & prædicando; non sunt voces, vel nomina, sed ipsa natura abstracta formale verò, secunda notio obiectiua, quæ est in natura, per modum aptitudinis, in multis inferioribus essendi, ac de illis prædicandi: licet igitur dentur vniuersalia, formaliter tamen accepta ante operationem intellectus non dantur, ad quorum constitutionem requiruntur vnitas, aptitudo, appetitus, relatio.

8. Vniuersalia siue Prædicabilia sunt 5. Genus, Species, Differentia, Proprium & Accidens, Generis natura optimè definitur, dum dicitur esse id, quod de pluribus Specie differentibus in eo quod quid est prædicatur: iam verò Genus non prout contractum per differentiam, neq; cum exclusionem vltioris perfectionis sumptum, sed vt est totum quoddam confusè continens quidquid in Specie continetur prædicatur de eadem.

9. Licet Genus ordine intentionis prius respiciat Indiuidua, quàm Species, ordine tamen executionis, prius Species quàm Indiuidua. Rectè verò definitur Species, siue dicatur esse id,

A

quod



quod prædicatur de numero differentibus in eo  
quod Quid est: id, quod generi subiicitur siue  
id de quo genus prædicatur, per posteriores si  
quidem prout est subiicibilis per primam ut est præ-  
dicabilis explicatur.

10. Species Vniuersale non est, prout subiici-  
tur generi; sed quatenus sua inferiora respicit: po-  
test in vno individuo benè cōseruari, aliter de ge-  
nere dicendum, hoc enim secundum suam poten-  
tialitatem & latitudinem perfectionis essentialis,  
in vna specie non potest cōseruari.

11. Individuum est, quod de vno solo prædica-  
tur, ideò non est Vniuersale: est verò triplex Phi-  
sicum, Metaphisicum, & Logicum: est præterea  
aliud Substantiale, aliud Accidentale, aliud Va-  
gum, aliud determinatum, idq; vel nominatio-  
ne, vel demonstratione, vel suppositione, vel cir-  
cumlocutione.

12. Differentiæ diuisio in Communem, Pro-  
priam, & maximè propriam, est analogica: prout  
verò tertium Prædicabile constituit, non respicit  
hanc vel illam Differentiam, sed inferiora con-  
tenta sub specie, quam constituit; Est autem quæ-  
libet differētia genere suo perfectior; infimæ verò  
non includunt subalternas, nec genera, sed sunt  
simplices conceptus, ideò de illis genera & subal-  
ternæ differentiæ materialiter tantum prædican-  
tur.

13. In



13. In 4 modos Proprij diuifio eft analoga, quorum quartus prædicabile conftituit: Non eft autem Proprium, Vniuerfale, per refpectum ad Speciem, è qua fluit; fed per refpectum ad Indiuidua, illius Speciei.

4. Optimè definitur Accidens quod adefl & abefl fine fubiekti corruptione, vbi adefle & abefle nihil aliud fignificant, nifi contingentiam Accidentis quod prædicatur, & indemnitate fubiekti in fua Quidditate, ex conuenientia & difconuenientia talis Accidentis.

15. Definitiones Æquiuocorum, Vniuocorū, Denominatiuorum, traditæ ab Ariftotelæ funt bonæ, fub æquiuocis analoga continentur, quæ fufficienter in analoga proportionis & proportionalitatis diuiduntur; Ratio verò fignificata per nomen analogum, in analogis proportionis, debet efle intrinsecè in principali analogato, extrinsecè in alijs, in analogis verò proportionalitatis, intrinsecè in omnibus reperitur.

16. Decem funt Summa Genera, fiue Prædicamenta. Subftantia primū locum inter ea obtinet, cuius formalis ratio eft efle per fe fecundū aptitudinem, hoc verò Genus fupremum Subftantiæ, eft Subftantia completa ex Ente creabili, & propria Subftantia aptitudinali conftituta.

17 Subftantia quando diuiditur in primam



& secundam, diuiditur in diuersos modos subsistendi, scilicet particulariter & vniuersaliter, ex quibus, alter est realis, alter rationis. DEVS verò gloriosus, neq; directè neq; reductiue ponitur in prædicamētò, præter eum omnes Substantiæ siue creatæ siue creabiles, corporeæ, incorporeæ, animatæ inanimatæ simplices mixtæ in eo collocantur

18. Quantitatis ratio formalis, est extensio partium in ordine ad se, hæc diuiditur in Continuum & discretam: Prioris Species, Linea, Superficies, Corpus, Locus, & tempus. Posterioris, Numerus & oratio; Proprietates illius non suscipere contrarium, magis minusq;, & mensurari per eam res secundum æqualitatem & inæqualitatem.

19. Datur Relationis prædicamentum, cuius Supremum genus est realis relatio, prout comprehendit omnes relationes secundum rem, & nō transcendētales, vel rationis; omnis verò Relatio prædicamētalis terminatur ad relatiuū non ad absolutum. Dicuntur vero relata ad conuertentiam, non suscipiunt magis & minus, & simul sunt natura ac cognitione.

20. Qualitas est secundum quam dicimur esse Quales, hæc definitio licet non sit perfecta, retinenda attamen: Species Qualitatis assignantur Habitus & dispositio, Naturalis Potentia & impotentia.



tentia, Passio & passibilis Qualitas, forma & figura: Proprietates eius, magis & minus suscipere tum contrarium, Res similes vel dissimiles vocare.

21. Ultima genera sex in suâ ratione includunt formas quasdam, & accidentia intrinseca, relictâ in subiecto ex aliquo extrinseco: cæterum Actio, definitur actus siue perfectio agentis. Passio, perfectio patientis. Vbi, circumscriptio corporis à loco proueniens. Quando, id quod ex adiacentia temporis relinquitur. Situs, Ordo partium in loco. Habitus, adiacentia eorum quæ circâ corpus sunt.

22. Postprædicamenta communiter 5. numerantur, Oppositio, Prius, Simul, Motus, & Habere, Oppositio 4. habet Species: Relatiuam, Priuatiuam, contrariam, Contradictoriam, quarum hæc maxima in genere oppositionis, Relatiua in genere Entis & perfectionis.

23. Voces non solum sunt signa rerum sed etiam conceptuum; licet per voces immediate significentur conceptus, res verò secundariò & mediâtè; cæterum nomina non significant res naturaliter sed ex hominû impositione, scimus tamē non esse temerè nomina imponenda rebus, nec quemlibet posse cuiuslibet rei nomen assignare.

24. Principia Enunciationis sunt Nomen &



Verbum, Illud est, quod ad placitum significat sine tempore; hoc verò, quod significat tempus, cuius pars nulla seorsim significat, & est semper eorum quæ de altero prædicantur nota.

25. Ad Enunciationem constituendam, non requiritur rerum compositio, prout in se sunt, ad hoc vt secunda operatio dicatur compositio, sed sufficit compositio simplicium conceptuū: cum Enunciatio sit Iudicium quoddam componens atq; adeò compositio quædam conceptuum simplicium, non pro se sed pro rebus significatis acceptorum.

26. Enunciationis diuisio in Affirmatiuam & Negatiuam, est adæquata, & vniuoca; cum & nulla sit propositio quæ non affirmet aliquid vel neget, præterea Affirmatio & Negatio participant æqualiter & independenter vnius ab altera naturam Enunciationis essentialiter tamen per oppositas differentias distinguuntur.

27. Veritas est in rebus, fundamentaliter; quia ab eo quod res est, vel non est, intellectus quoq; verus vel falsus dicitur. In intellectu verò formaliter & essentialiter; conformitas enim illa vel difformitas quæ formaliter est veritas vel falsitas intellectui inest. In enunciatione verò siue voce siue scripto facta, est significatiuè.

28. Ex duabus propositionibus contradicto-  
rijs



rijs, de eadem re, singulari liberè & contingenter futurâ, altera in determinata, est determinatè vera altera vero indeterminata est determinatè falsa, hoc è vel hæc aut illa sub disiunctione è vera vel falsa

29. Tres Enunciationis proprietates Oppositio, Æquipollentia, & Conuersio optimè assignantur; cæterum istæ non consequuntur propositionem secundum se; neq; ratione habitudinis partium siue terminorum nimirum subiecti & prædicati; tales enim proprietates sūt, Verū falsū, Ampliatio, Restrictio, suppositio sed cōsequuntur Enunciationem ex comparatione vnius ad alteram.

30. Discursus formaliter est vnus actus specie materialiter verò multi; atque formaliter consistit in illatione consequentis ex antecedente, estq; operatio Intellectus essentialiter distincta à prima Materia discursus sunt Enunciationes cum suis partibus; Forma, potestas in ferendi. Efficiens, anima Rationalis. Finis, inuestigatio rei ignotæ.

31. Syllogismus est Oratio in qua quibusdam positis, aliquid aliud necessariò consequitur, eò quòd hæc posita sint: hinc collige nullum dari verum Syllogismum qui sit solum illatiuus & non etiam probatiuus: Conclusionem vero licet sit pars materialis Syllogismi, essentialem tamen scias esse.



32. Non possunt plures figuræ vel pauciores assignari, præter tres; ideò ex triplici combinatione medij cum extremis; Galeni igitur figura tanquam sine necessitate multiplicata, tum quia non est naturalis; non habet prætereà vim illatiuam, distinctam ab illatiua virtute primæ, procùl reijcitur.

33. Cognitio nostra non est reminiscentia, nequæ fit ab agente aliquo extrinseco, sed de nouo in nobis ex præexistenti cognitione acquiritur; optimè verò Philosophus duas solùm ponit præcognitiones Quid est, & Quod res est. Tria verò præcognita, Principia, Subiectum & Passionem.

34. Præmissarum assensus, est causa efficiens assensus Conclusionis, ideoq; positis assensibus præmissarum, & euidencia consequentiæ vnà cum apprehensione terminorum, intellectus necessario assentitur Conclusioni, tam quoad speciem, quam quoad exercitium actus.

35. Demonstrationem siue definiueris vnà cum Philosopho Syllogismum facientem scire, siue constantem ex veris, primis, & immediatis, non errabis. Debent verò præmissæ demonstrationis esse de omni, per se, & de prædicato vniuersali.

36. Demonstratio optimè diuiditur in propter Quid demonstrationem, & Quia est, namq; per



per membra opposita traditur, quorum vnum infert contradictoriam negationem ad alterum.

37. Datur de rebus Scientia, quæ optimè definitur esse cognitio rei per causam, propter quam res est, & quod illius est causa, & non contingit hoc aliter se habere: optimè diuiditur in subalternantem & subalternatam: quarum subalternata accidentali tantum conditione à subalternante distinguitur. vnus] verò & idem actus intellectus, non potest esse simul Scientia & Opinio.

38. Vnitas & distinctio tam Generica quam specifica Scientiæ, non desumitur ab obiecto formali in esse rei seu à ratione Quæ; sed ab Obiecto in esse scibili, seu à ratione formali sub Qua, quæ accipienda est ex abstractione à materia, si vnitas generica scientiæ constituenda; vel à distinctione specifica principiorum, si vnitas specifica fabricanda.

39. Præter Demonstratiuum Syllogismum, Topicus & Sophisticus dari debent, hoc enim & materiæ & finium varietas expostulat, ideoq; hæc Syllogismi diuisio tradita ab Aristotele est bona.



# EX PHILOSOPHIA Naturali.

## I.

**R**erum naturalium cognitio, cū & rerum essentias per proprietates, & proprietates per essentias, causasq; per effectus, & contra explicet, est propriè ac vere scientia; eaq; speculatiua, vt potè sola obiecti contemplatione contenta; certitudi-  
ni eius, nihil particularium naturarum incertitu-  
do derogat, in sua æterna est, constans, & immo-  
bilis, veritate.

2. Particulam Entis ad considerandum acci-  
pit, sed ô quanta Philosophantium dissensio quæ  
illa sit? eorum classem ingredimur qui Ens mo-  
bile pro adæquato & proprio statuunt obiecto:  
alij vellatiora magis tradunt, vel materialia non  
formalia. Analogia huius Entis mobilis, stat cū  
vniuocatione scibilitatis, abstractio eius est à Sub-  
stantia & Accidente, ideoq; non solum substanti-  
alis, sed etiam accidentalis mobilitatis respicit  
principia.

3. Cū



A  
3. Cùm omnia intra latitudinem Naturalis scientiæ comprehensa, sub eadem tractentur abstractione, & secundùm eandem habitudinem ad motum, idcirco Phisicam esse vnâ Scientiâ, Specie atoma non dubitandum, neque impedit vnitatem prædictam à communiore Entis mobilis contemplatione, ad minus communem descensus.

4. Optimè Principiorum rerum naturalium natura explicatur à Philosopho, cùm ea dicit esse quæ neq; fiunt ex alijs, neq; ex alterutris, sed omnia ex ipsis. Dari verò illa in reb; naturalibus, licet à priori deduci nō possit, rectè tamen à posteriori scilicet ex transmutatione.

5. Tria esse principia rerum naturalium inferi; duo in facto esse: affirmamus. Illa cōtraria, hæc non, contrarietas in illis non est ratione materiæ, sed ratione priuationis & formæ in materiâ, contrarietatem tamen intellige non qualis est inter accidentia, sed prout est incōpossibilitas quædam formarum.

6. Materia prima datur necessario, eaque est primum subiectum vnius cuiusq; ex quo aliquid fit per se & nō secundùm accidens; ita est pura potentia, vt omnem actum excludat etiam Entitativum, ideòq; existentia propria caret, nec potest sine forma etiam diuinitus existere.



7. Licet sit pura potētia, imò quia pura potētia, habet naturalē appetitum ad formas, quē Doctor Angelicus desiderium appellat hoc æquale in ea est tam ad nobiles quàm ad ignobiles, & remanet in ea etiam ad iam amissas formas recipiēdas, nisi ab extrinseco impediatur.

8. De potentia materiæ educuntur formæ, id est dependent in fieri & esse à materia in genere causæ receptiuæ & passiue; non tamen ideo præexistunt in materia, siue in esse possibili, siue in esse essentiæ; forma corporeitatis, & interminatæ dimensiones, frustra materiæ adstruuntur.

9. Animam rationalem de potentia materiæ educi, & contra fidem & contra Philosophiā est. cum nec in esse nec in fieri pendeat ab ea. Formæ quoq; cœlorum & Elementorum in prima sua productione non de potentia materiæeductæ, sed ad creationem totius concreatæ sunt; iam accidentales, cōnaturales tamen suis subiectis, & ab eorum essentia emanantes, cōèduci dicuntur.

10. Priuatio est verum rerum naturalium principium, cum ab ea per se generatio proficiscatur, sed in fieri nō facto esse; à materia, sola distinguitur ratione; in qualibet autem materia tot priuationes sunt, quot sunt formæ quibus caret, cum priuatio absentia formæ sit.

11. Ex Materia & Forma fit vnum per se, licet non.

non immediatè vniantur materia & forma per suas Entitates, cùm requirant aliquem nexum quo vniantur à se distinctum, qui nullus alius est nisi vnio; hæc non est Entitas rigorosè accepta, sed modus quidam Substantialis; qui vnus est non multiplex; cùm sit nexus, vinculum, complexus extremorum.

12. Totum Physicum siue Compositum, à partibus simul sūptis & vnitis, sola ratione ratiocinata distinguitur, esset enim alias aliquid in toto præter partes & vnionem, quod non videtur; neq; obstat quod partes tanquā causæ ordinentur ad totum tanquam effectum, ordinantur enim tanquam causæ intrinsecæ, inter quas & effectum non requiritur realis distinctio.

13. SuffICIENTER Naturæ naturam explicat Philosophus, cùm eam dicit esse principium & causam Motus & Quietis eius in quo est primò per se & non secundum accidens; hinc collige materiam & formam esse propriè naturas, animam quoq; hominis non solum vt formam sed etiam vt rationalem; Compositum verò non est natura, sed potius habet naturam. Cæterum analogicè Naturā materiam & formam respicit.

14. Magnum inter Naturam & artem est discrimen, propter differentias earum essentiales, ideoq; & habitu & effectū non conueniunt; Natu-



ra tamen Arte est præstantior; & licet ars naturam sæpè perficiat, non potest tamen vi sua, tanquam causa per se aliquod opus naturale efficere, sed solum prout per naturam operatur, actiua passiuis applicando.

15. Causa est, ad cuius esse sequitur aliud, quæ consecutio non quæuis sed per influxum intelligenda; eius genera nempe causæ sunt 4 ad quæ omnes aliæ reuocantur; in quæ quidem genera causæ diuisio, non est immediata, neq; in species atomas, analogicè quoq; causa prædicta genera respicit.

16. Causa in actu secundo considerata, prior est effectui suo naturâ, siue prioritate à quo, non in quo: causæ quoq; intrinsecæ sigillatim consideratæ imperfectiores sunt effectui, coniunctim eiusdē perfectionis cū cōposito; causæ verò extrinsecæ aliquādo perfectiores effectis, aliquādo imperfectiores, aliquādo æquales effectib9 i perfectione

17. Materia & forma constituuntur causæ in actu primo per suas essentias; cæterum causalitas materiæ in fieri, est generatio recepta in materia, causalitas verò eiusdem in facto esse, est unio Substantialis prout in ipsa materia recipitur, & actui recipit formam, eam limitat, statuitq; cōpositum.

18. Informare materiam & eandem limitare est

est causalitas formæ, ad quam solam præcisè si comparetur compositum secundum illud esse quod ab ea solum habet, modaliter solummodo ab ea distinguitur; si verò comparetur absolute tanquam effectus causatus ab his causis intrinsicis, sic realiter differt, & tanquam ab inclusio in- cludens.

19. Licet causalitas Ideæ posset ad efficien- tem & finalem reduci, propriè tamen reuocatur ad formalem, cum nec per se effectiua sit, nec coincidat cum fine.

20. Causa efficiens est, à qua primò motus in- cipit; eius causalitas non est relatio sed aliquid ab- solutum; ideoq; actio, quatenus motum vel ordi- nem habet ad passum, & vt importat fieri aliquid passiuè ex parte effectus non est causalitas eius, sed prout dicit actum secundum ipsius agentis, hoc est ipsam emanationem.

21. Non accidentia Agentis, sed forma Sub- stantialis, est causa principalis producendæ Sub- stantiæ, licet verò forma Substantialis præcipu- um sit principium & ratio agendi, non tamen est immediatè operatiua, cum repugnet immedia- tum esse operandi principium creatam Substan- tiam.

22. Nullus datur influxus partialis, à forma Substantiali deriuatus, formas accidentales ope-  
ratiuas



ratiuas ad substantiæ productionem corroborans, ideoq; virtus accidentalis Substantiæ non est propriè instrumentum ipsius.

23. De ratione instrumenti est quod operetur vt motum ab alio; debet tamen habere vim agendi distinctam, à vi causæ principalis, cum non participet actionem causæ superioris, nisi in quantum per aliquod sibi proprium dispositiuè operatur ad effectum principalis agentis.

24. Prima causa DEVS scilicet gloriosus immediatè & actu concurrit cum causis secundis, ad omnes & singulas earum actiones; neq; vero simultaneo concursu tantum, sed etiam præuio, quo nimirum secundas causas ad suos actus præmouet, & Physicè prædeterminat.

25. Fortuna & Casus non ad aliam causam præter efficientem reducuntur, illa in liberè, hic in necessariò agentibus est; licet verò sint causæ, sed per accidens: Fatum verò non est simpliciter causa sed aliquid causæ: hoc dari & Philosophus & Theologus proclamant.

26. Finis, qui est causa vera Physica & realis, causalitas est ipse amor finis, non vt pendet à voluntate elicituè, sed ab ipso appetibili passiuè.

27. Quamuis sola creatura rationalis vt Angelus, Homo, verè agat propter finem, tamen & agentia naturalia ex se & ex natura sua agunt propter

pter eum; nec impedit quod ab extrinseco intelligente ad suos fines dirigantur, vel quod finem formaliter non cognoscant.

28. Idem numero effectus à duabus causis eiusdem ordinis totalibus & adæquatis produci non potest, repugnat enim id & ex parte causæ & ex parte actionis & ex parte effectus: si tamen diuersi ordinis causæ sint, potest ab eis totalibus vnus numero effectus produci.

29. Motus est actus entis in potentia prout in potentia: ad quam Motus definitionem à Philosopho traditam, non solum successiui motus omnes reuocantur, sed etiam in instantanei, cum & tales mutationes sint actus Entis in potentia.

30. Motus à termino ad quem non distinguitur sola ratione, neque reali in rigore accepta; sed formali reali vel modali; similiter iudica de actione & passione tum inter se tum motus ab utroque.

31. Actiones transeuntes non sunt in agente tanquam in Subiecto sed in passio; alias per ipsam actionem transeuntem formaliter & intrinsece mutaretur agens. Motus tamen generaliter sumptus, est in mobili; cum hoc, antequam moueatur, sit in potentia ad motum.

32. Sicut tres sunt Species motus propriè dicti nimirum augmentatio, alteratio, locimutatio,



ita quoq; Motus ad tria prædicamenta per se & propriè terminatur nempe ad *Quantitatem*, *Qualitatem*, & *Vbi*.

33. *Specifica Vnitas* motus non est petenda à motore vel agente, neq; à mobili, neq; à termino à Quo, sed à termino ad Quem: iam vero vnitas numerica motus ex vnitate numerica mobilis, termini, & temporis, est desumenda.

34. *Contrarietas* motuum per se primò & formaliter, non sumitur ex terminis contrarijs à quibus, sed ex contrarijs ad quos; quamuis etiam in contrarietate motuum omninò perfectà, contrarietas in terminis à quibus debeat inueniri.

35. In mutationibus Substantialibus quales sunt, generatio, corruptio, contrarietas non sumitur ex contrarietate terminorum ad quos, sed ex accessu & recessu eiusdem termini: Inter motum verò & quietem, ex terminis oppositis in quibus aliquid quiescit vel mouetur, contrarietas desumenda.

36. Præter *DEVM* gloriosum, qui est actu secundum essentiam & simpliciter, in omni genere Entis infinitus, nullum aliud de facto datur, aut dari potest, per vires naturæ vtrum autem per absolutam Dei potentiam saltem in magnitudine vel intensione, vel in aliqua alia perfectione dari possit, problema esto.

37. Non melius explicabis locum, præterquā si dixeris, Esse superficiem corporis abientis immobilis, debet enim simpliciter & absolute, esse immobilis, immobilitas verò eius: sumenda est, ex distantia ipsius certa: ad partes fixas vniuersi, hoc est ad polos cœli & centrum terræ.

38. DEVS gloriosus, omnia loca & spatia huius mundi per immensitatem suæ Substantiæ replet neq; spatio huius mundi circumscribitur, aut definitur: sed extra hunc mundum realiter est in seipso sicut erat ante mundum conditum. Angeli verò sunt definitiuè in loco, vniuersa verò corpora circumscriptiuè.

39. Quamuis non implicet duo vel plura simul esse in eodem loco vt à fide docemur, tamen implicat contradictionem vnū corpus circumscriptiuè esse in duobus locis, mera enim est implicantia contineri loco & esse extra illum.

40. Per absolutam DEI potentiam posset in natura dari vacuum licet actu non detur, sed nec per Angelicam virtutem: multo minus inferiorem aliquam dari posset. Quod si daretur per Dei potentiam, posset in eo fieri motus non solum localis succelsiuus, sed etiam augmentationis, alterationis, generationis, corruptionis.

41. Tempus omnino est aliquid reale est verò numerus motus, secundum prius & posterius:



per numerum, numeratum intellige id est multitudinem partium motus cœlestis à nobis numeratam, distinctam, & ordinatam, ad alias durationes mensurandas.

42. Tempus extrinsecum, quod est duratio motus primi mobilis, differt à motu inferiorum realiter: Tempus verò intrinsecum, quod est ipsa duratio motus inferioris, non nisi ratione. Cæterum in rebus permanentibus duratio non est aliquid diuersum ab earum existētia, sed addit extrinsecam connotationem & dependentiam ab actione. In rebus verò successiuis duratio fit per superadditionem existentiæ ad existentiā.

43. Tempus secundum suā essentiam sumptū quamuis essentialiter non multiplicetur, materialiter tamen & numericè multiplicatur ad subiectorum multiplicationē: hoc verò tempore Substantia corruptibilis, etiam quoad suum esse substantiale mensuratur:

44. Omnia Entia Naturalia, tam viuentia, quam nō viuentia dcterminata sunt ex vi suæ naturæ ad maximum, cū virtutem formæ Substantialis finitam habeant & determinatam. Non viuentia verò habent terminum suæ paruitatis intrinsecum, alias enim forma eorum posset introduci in tam exiguam materiam in qua non posset operari.

45. In motibus Phycis non potest aliquid à se primò moueri, sed necesse est, vt quidquid mouetur, ab alio moueatur; sed tamen in mouentibus essentialiter subordinatis non datur in infinitum process9; ideòq; optimè Philosophus deduxit hūc dari primum motorē eumq; vnicum & imobilē.

46. Primus motor debet esse & est æternus, perfectissimus, omnis expers compositionis, estq; sua intellectio & volitio, & obiectum primum ac per se suæ intellectiois, omnia extra se mouet in genere causæ efficientis & finalis.

### Ex libris de Cœlo & Mundo.

47. Mundus hic aspectabilis, qui ad similitudinem Archetypi factus est, non nisi vnus est; quamuis plures à D E o fieri possunt: datis enim his ex hypothesi, neq; diminueretur actiua potentia D E I, neq; passiua rerū creabiliū exhauriretur.

48. Mundus potest dici imperfectus imperfectione negatiua, cū eo possit dari perfectior non solum quoad numerum rerum, sed etiam, multipliciter Specierum. Creaturæ verò quæ in mundo sunt, quoad essentiam non poterant fieri perfectiores, licet quoad accidentia optimè.

49. Non ab æterno sed in tempore factus est mundus, neq; poterat ab æterno quoad successiua Entia creari; licet quoad permanentia nihil repugnaret



pugnaret tùm ex parte DEI, tùm ex parte Creaturæ, ad extremum ex parte creationis, vt crearetur.

50. Cœlum est corpus Naturale, simplex, ex materia & forma compositum, diuersæ naturæ ab Elementis, incorruptibile, non est animatum, intelligentiæ enim cœlorum motrices non sunt formæ eorum informantes, sed assistentes tantùm. Materia eorum diuersæ rationis, à sublunarium materia.

51. Apparitio nouarum stellarum in cœlis, cognitio eorum quæ antea ignota erant, vtpote quòd Lunæ corpus spongiosum, asperum, varijsq; locis intercisum videatur, quòd Veneris stella crescere & decrescere cernatur, quòd stellæ quædam circà Iouem animaduersæ sint, maculæ itidem in disco solaris corporis, non tollunt cœlorum incorruptibilitatem.

52. Orbes cœlestes diuersæ sunt rationis specificæ, mouenturq; ab intelligentia assistente, non à propria forma; licet motus eorum Circularis sit illis naturalis: Astra verò ad motum suorum orbium mouentur: optimè verò potest duobus contrarijs motibus vnũ corpus moueri, si eorum vnus sit per se, alter per accidens.

53. Cœlum motu lumine & influentijs agit in corpora sublunaria per se & directè, in voluntatem

tatem tamen nostram & intellectum non nisi per  
accidens, magis tamen pertingit ad intellectum  
quam voluntatem, ideoq; Astrologi licet in con-  
iunctionibus oppositionibus & siderum deter-  
minandis non errent, in his tamen quæ sunt hu-  
manæ voluntatis. habent quidem sed parum pro-  
babilitatis.

54. Dari in rebus generationem Substantia-  
lem est euentissimum, quæ est acquisitio seu  
mutatio formæ Substantialis à priuatione illius  
in materiâ, Generatio tamen sumpta in commu-  
ni, quatenus se extendit, ad Substantialem & ac-  
cidentalem, est transitus de non esse ad esse in  
Subiecto.

55. Generatio in Diuinis, non est aliqua mu-  
tatio, sed solum communicatio actus puri assimi-  
latiua termini generali principio generanti; secus  
generatio creata, cum habeat causam materia-  
lem ex qua fit essentialiter, est mutatio; ideoq; re-  
ctè per mutationem tanquam per genus definitur.

56. Generatio est actio realiter distincta à to-  
ta præcedenti alteratione, licet vt aliquid genere-  
tur, omninò requirantur in materia præuiæ di-  
spositiones; Vniuersalissimè verò sumpta genera-  
tio, habet pro termino per se & quod vltimatè, i-  
psum compositum: pro termino autem vt Quo,  
Vnionem.

57. In



57. In generatione Substantiali Subiectum mutationis est materia prima, iam verò Subiectum inhæſionis, non materia sed compositione: quamuis verò generatio & creatio completa, in termino totali materialiter sumpto conueniant, attamen tam ex parte termini formalis, quam ex parte modi producendi, distinguuntur.

58. Generatio est quidem mutatio sed formaliter & essentialiter distincta à corruptione, habent etiam distinctos terminos, Corruptio itidem ab ānihilatione distinguitur ex parte termini ad Quem, per annihilationem enim res totaliter definit esse, tam ex parte formæ, quam ex parte Subiecti; in corruptione verò Subiectum remanet, quamuis destruaturs forma.

59. In Corruptione Substantiali fit resolutio vsq; ad materiam primam, nullâ formâ tam Substantiali quàm accidentali affectam, ibi enim est mutatio totius in totum, præterea cum materia ordine quodam sit in potentia ad formas Substantiales & accidentales, prius Substantiales recipere debet.

60. Alteratio, est motus ad Qualitatem sensibilem mediam vel extremam, seu ad Qualitatem habentem latitudinem cū contrarietate; Eius Species tres sunt, Intensio, Remissio, & Productio, ac etiamsi alteratio sit vnus motus continu-

us, duas tamen mutationes includit, alteram corruptiuam termini à Quo, alteram acquisitiuam termini ad Quem.

61. Intensio est motus ab imperfectiori esse siue statu eiusdem Qualitatis ad perfectiorem, eodem Subiecto sensibili manente; Remissio verò è contrà; tam intensio verò quàm remissio nullius prædicamenti res afficiūt præterquā solius Qualitatis.

62. Qualitatis intensio fit per maiorem eius radicationem in Subiecto; ideoq; nec per depurationem eius à suo contrario fit, nec per additionem formæ vel perfectioris qualitatis quæ pristinam corrumpat, nec per additionem gradus ad gradum.

63. Propriè sumpta nutritio competit viuētibz solis, ab augmentatione differt realiter, cū terminos formales distinctos habeant. Cæterū Nutritio ad aggenerationem, sicut Specificum aliquid & particulare ad genericum & commune comparatur.

64. Per nutritionem pars Substantiæ acquiritur, quatenus tamen est affecta Quantitate, ita vt ex quantitate quā est affecta, habeat rationem partis, ex se verò solūm fit radicaliter pars: Sūt autem Nutritio & Augmentatio mutationes successiue & continuæ, quatenus successiuum instantaneo opponitur.



65. Toto vitæ tempore non modo nutritiōnis, & augmentationis idem numero manet viuens, alias enim nutritio & augmentatio à generatione non distinguerentur; prætereà omnes motus continui atq; successiui supponunt Subiectum in suo esse Substantiali constitutum.

66. Nihil potest agere in seipsum primò & per se & secundum eandem partem, alias enim agens haberet aliquam formam actu & non haberet. Neq; verò agentis actiuitas redditur formaliter maior per densitatem vel raritatem aliasq; conditiones ad agendum requisitas, his tamen per modum cuiusdam dispositionis iuuatur.

67. Inter Agens & Patiens si communem habeant materiam, sintq; contraria, & intra Sphœram actiuitatis, datur omninò mutua actio & reactio: cæterum vt agens Physicum producat suum effectum ad minus virtutis contactu debet passum contingere.

68. Quatuor sunt corpora simplicia: Ignis, Aër, Aqua, & Terra; numerum eorum ex motu quadruplici recto non vanè colliges. Primæ itidem Qualitates quatuor sunt, cum omnes præter has ex ijs ortæ sint ideoq; non primæ.

69. Singulis Elementis binæ Qualitates competunt, Calor & siccitas, Igni; Calor & humiditas, aëri; Frigus & humiditas; aquæ frigus & siccitas,

citas, terræ; singula tamen secundum naturam suam spectata, vnâ qualitatem habent in summo, alteram in remisso.

70. Ex quolibet Elemento, potest aliud immediatè generari, non solum mediatè, ita ex terra aer vel ignis; quamuis facilius transmutentur inter se Elementa symbola, vt Ignis Aer, quam Dyssymbola, vt Terra Aer, Ignis Aqua.

71. Mistio & est possibilis, & datur de facto in rerum naturâ, estq; miscibilium alteratorum vnio; quapropter cum sit vnio alteratorum, tria requiruntur ad misionem, vt miscibilia sint Substantiæ, vt sint corpora, vt habeant communem materiam.

72. Elementa virtualiter in misto manent, non formaliter, iam verò forma misti non continet formas Elementorum virtualiter substantialiter, sed accidentaliter & ratione Qualitatum, quæ in misto secundum speciem Qualitatibus Elementorū similes, sunt reductæ ad mediocritatē.

*Ex libris de Anima.*

73. Animam seu dixeris esse actum primum corporis Physici organici potentiâ vitam habentis; siue id, quo viuimus, sentimus, mouemur &c. nō deflectes à veritate: essentialiter enim natura animæ his definitionib⁹ explicatur per Philosophū

74. In nullo composito Substantiali Physico,



dantur plures formæ Substantiales, siue totales ratione prædicatorum Quidditativorum, vel vitæ graduum; siue partiales ratione partium Heterogenearum; In vnoquoq; præterea viuentem, vna tantum est forma totalis, nempe anima informans.

75. Satis rectè anima in Vegetatiuam, Sensitiuam, & Intellectiuam, diuiditur, neq; plures inuenire fas; tot siquidem sunt modi quibus operationes animæ, in animatorum operationes excedunt, neq; plures assignare poteris appetitus præter Naturalem Sensitiuum & Rationalem.

76. Quæuis anima est tota in toto, si intelligatur totalitas essentiae, nulla vero est in toto & tota in partibus, si virtutis totalitas accipiatur; Iam humana anima omnino indiuisibilis est, tam per se quam per accidens, in animalibus quoq; perfectis etiam ratione Quantitatis non est diuisibilis, secus in imperfectis.

77. Potentiæ animæ distinguuntur ab animâ realiter, cum ad eam ordinentur vt accidentia ad Substantiam; dimanant verò ab anima, non per elicitam productionem ab animâ, sed ad eius productionem consecutam; vnde dimanatio passionum respectu essentiae non est aliqua actio, sed connexio naturalis.

78. Animæ potentiæ inter se distinguuntur essentialiter, & specificantur in ordine ad actus  
& ob-

& obiecta formalia; cæterum potentia, habitus & actus sunt quidem Entia sed nec purè absoluta, nec purè relatiua.

79. Vegetatiua Anima, est principium generandi tale quale ipsa est, siue generandi viuens sibi simile in Specie; hæc verò si accipiatur vt totum quoddam virtuale vel potestatiuum, optimè in tres potentias Nutritiuam, Augmentatiuam, & generatiuam, diuiditur.

80. Tres prædictæ potentia distinguuntur inter se realiter, cum & actus & obiecta distincta habeant; Nutritiua verò potentia, non est temperamentum aliquod primarum Qualitatum, cum nutritiua potentia habeat effectus, excedentes temperamentum primarum Qualitatum, tam in ipsa Substantiâ rei operatæ, quam in modo operandi: sed est potentia vitalis superior.

81. Sensus cum vniatur obiecto per Speciem impressam, sine ea non potest operari, indigent quoq; sensus externi ad eliciendas sensationes medio, ideoq; visibile positum supra oculum, non videtur: non errat quoq; sensus circa proprium sensibile, potest decipi circa commune.

82. Medium visus debet esse Diaphanum & illuminatum, organum pupilla, aspectus verò bonitas, oritur ex conditione organi & spiritus; fit autem visio non per emissionem radiorum, sed



per intus susceptionem specierum, ita ut ipsa visio sit Species expressa obiecti, elicita à potentia visiva, concurrente Specie impressa.

83. Benè organum Auditus in aere interno seu spirituosâ & tenui Substantia quæ tympano clauditur, collocatur. hoc intellige dispositivè, consummativè enim, est in illis nervis qui inter se uniuntur.

84. Qui organum Olfactus in interiori parte nasci collocant, errant; odoratiua enim potentia residet in parte superiori & cerebro propinquiori, hoc est māmillarib9 carūculis: duplex verò est medium Olfactus, Extrinsecum quod defert Species, Intrinsecum quod imbibit, non est quoq; necessarium Species per totum medium realiter deferri.

85. Gustus Organum est nervus mollior per totam linguam sparsus, maximè à cuspide linguæ; medium ei internum tantum est, Tactus quoq; Organum, non carnes, sed nervi intra carnem collocati: in eâ enim mediocritate illi nervi sunt constituti, quam tactus requirit.

86. Dantur Species intentionales, quibus mediantibus Obiectum unitur potentia, non quidem in sua entitate materiali sed in repræsentatione & intentione: ideoq; munus Specierum intentionalium est, constituere obiectum præsens potentia.

87. Vi-

87. Visus Obiectum Color est & lumen, ille definitur extremitas perspicui in corpore terminato; hoc, actus perspicui vt perspicuum est. Auditus Obiectum est Sonus, qui est Qualitas sensibilis ex collisione corporum sonantium & resiliencia medij resultans. Olfactus Obiectum, Odor, hic est Qualitas ex primarum Qualitatum con-surgens temperamento. Gustus, Sapor, Qualitas scilicet immutatiua gustus. Tactus Obiectum Qualitates tangibiles tam primæ quàm aliæ.

88. Intelligibilis Species non solum dispo-sitiue concurrir ad intellectionem sed actiue etiam; iam intellectus post receptionem Speciei con-currir vnà cùm ipsa ad intellectionem, in quan-tum sunt vnum totale principium intellectionis, magis enim tum vnum fiunt, quàm fit vnum ex materia & forma.

89. Ad intelligendum in nostro Intellectu o-pportet ponere, potentiam ipsam, ad quam reduci debet habitus seu lumen; Speciem Intelligibilem, intellectionem, & Verbum mentale seu expres-sam Speciem: intellectio tamen vt distinguitur à conceptu productio non est actio propriè.



# Ex libris Metaphysicorū.

## I.



Physica & Mathematica constituit distinctam speculationis speciem Metaphysica, cū distinctus speculatiuus habitus distincti speculabilis obiecti debeat assignari. Est verò Metaphysica sapientia, cū per altissimas causas procedat, scientiæ nomen latè illi conuenit, non strictè.

2. Non Ens cōmunissimè acceptum, neque Ens finitum seu Prædicamentale, non Substantia in communi, non DEVS gloriosus, ad extremum neq; Substantia immaterialis, sed Ens quatenus est commune DEO & creaturis, Substantiæ & accidenti; est obiectum Metaphysicæ adæquatum.

3. Licet sit adeò vniuersalis speculatio Metaphysica, constituit tamen scientiam. Specie atomā vnam, eamq; Architectonicam ac velut principem & Reginam aliarum, ad quam pertinet quidditates rerum materialium, etiā in particulari considerare in quantum tamen in illis reperiuntur rationes obiectiuæ communes, intra abstractionem Metaphysicam contentæ.

4. Quantumuis imperfectus, datur tamē conceptus

ceptus Entis formalis præcisus, secundum rem distinctus, à conceptu suorum inferiorum; secus de obiectiuo conceptu intelligendum, hoc enim præter naturam transcendentium esset: quæ sola ratione & secundum Quid ab inferioribus præcisifica dicuntur. Vnitas disiunctionis procul hinc tanquam inutilis eliditur.

5. Ens respectu suorum inferiorum neq; est æquiuocum, cùm inferiora eius ad vnā scientiam pertineant; non vniuocum, ita enim esset genus, neq; prædicaretur directè & essentialiter de differentijs; sed est Analogum, & attributionis & proportionis Analogiā.

5. Sicut in increatis identificantur Essentia & existentia, ita in creatis rebus realiter distinguuntur, necesse si quidem est vt illud fundet distinctionem à parte rei, respectu eius cui sic conuenit quod nec illi essentialiter est, nec cum eo in aliquo tertio constituendo essentialiter conuenit, neque ab eadem forma prouenit, sed à principio totaliter extrinseco.

7. Ens secundum rationem communissimā consideratum, habet omninò passiones vt sunt vnum, verum bonum, alias Metaphysicus habitus scientificus non esset: hæ tamen passiones, a parte rei ab Ente non sunt distinctæ, sed sola ratione: possent enim in infinitum de vnaquaque earum



eædem paffiones demonstrari, si realiter ab Ente distinguerentur.

8. Transcendentia sex esse, dicitur optimè: scilicet Ens quod sumitur ab actu essendi; Res, hæc sumitur ab essentia; Vnum, à sui indiuisione; Aliquid, à diuisione aliorum: Verum, à conuenientia ad intellectum; Bonum à conuenientia ad appetitum.

9. Proprietates Entis aliæ sunt simplices, vt Vnum, verum, bonum, aliæ coniunctæ, vt esse actu vel potentia, esse idem vel diuersum, esse contingens vel necessarium; inter quas, insigne discrimen est: Simples enim cùm Ente absolute recipiatur, Coniunctæ verò sub disiunctione.

10. Vnum includit in se duo: scilicet indiuisi-  
onem Entis in se, & diuisionem ab alio: & diu-  
sio quidem à quocunq; alio, non est de ratione v-  
nius, tamen ad ipsum consequitur: quapropter v-  
num de formali ratione importat negationem di-  
uisionis in se, siue Indiuisiionem.

11. Intelligentias seipsis indiuiduari tenemus, in compositis autem Substantijs, Materia signata, est principium siue radix indiuiduationis, ideoq; forma tam Substantialis quam accidentalis non est radicale principium indiuiduationis, similiter sola Entitas siue essentia rei, ad extremum neque hæcceitas.

12. Verum suprà Ens, additione secundum rationem, addit habitudinem ad Intellectum diuinum, quæ dicitur conformitas; circulum enim is committeret, qui verum explicaret per ordinem & conformitatem ad creatum Intellectum. Iam verum in concreto acceptum primò importat ipsum Ens, secundariò autem habitudinem; abstractè autem consideratum è contra

13. Bonum, secundum essentiam suam & per se primò dicit naturam absolutam, cum tota ratio boni constituta sit in rei perfectione & absolutione Naturæ; secundariò verò, denotat quandam habitudinem ad appetitum ideoq; ratio appetibilis, sumpra pro Relatione & habitudine ad appetitum, sicut & relatio conuenientiæ, non sunt de essentia boni.

14. In vniuerso, dantur immateriales Substantiæ quæ appellantur intelligentiæ; nam sine creaturis intellectualibus quæ omninò sunt immateriales esset imperfectum vniuersum: inter Intelligentias verò, datur prima & suprema, quæ à Philosophis dicitur prima causa, seu primum mouens, à quo alia dependent in motu, in agendo, & in sua existentia, ipsum verò, à nullo.

15. Certum est non posse à priori demonstrari DEVM esse, esse enim ita DEO essenziale est, vt nullà causā habeat siue veram, siue ex nostro mo-



do concipiendi & distinguendi, quod ad demonstrationem talem requiritur. à posteriori tamen optimè potest demonstrari. Quod sit DEVS. Quis enim pulchritudinem, structuram, & ordinem orbis videns, DEVM negabit?

16. In rebus creatis, suppositum àddit aliquid reale positium ad naturam: quòd supèradditum neq; est sola indiuiduatio vel proprietas Indiuidualis, neq; sola existentia, sed est terminus quidam, seu formalitas Substantialis, excludens modum in hærentiæ & modū partis communicabilis, reddendo naturam terminatam, & vltiori termino incommunicabilem.

17. Subsistentiam esse aliquid distinctum à naturâ, non solum ex principijs fidei, sed etiam ex naturalibus potest deduci: prius verò terminari Subsistentiâ naturam, vltimò verò aduenire existentiam, tanquam primò & per se conuenientem supposito, & mediâte supposito ipsi naturæ.

18. Inhærentia actualis non est de essentia Accidentis, cū Quantitas separata à materia tantumdem loci occupet, quantum occupat in materia, secundum Philosophum 4. Metap: 66. tex: sed aptitudinalis.

DE O G L O R I A.






VII. 29. 1600.

VII. 29.



836694 Bibliotheca 1600,-  
P.P. Camaldulensium in Bielany

Depozyt w Bibliotece Jagiellońskiej



01427



*Handwritten text, possibly a library or collection number, located at the top edge of the book cover.*

L-VII